

2027–2031 Phiaj Xwm Hauv Xeev

Pawg Thawj Coj Wisconsin rau Cov Neeg Xiam Oob Qhab Kev Loj Hlob

Daim ntawv sau luv luv piav qhia txog lub xeev qhov kev npajyuav ua muab rau ua kom lus yooj yim nkag siab tau

Txhua tsib lub xyoos, Pawg Thawj Coj Wisconsin rau Cov Neeg Xiam Oob Qhab Kev Loj Hlob (BPDD) tsim ib daim phiaj xwm tshiab hauv xeev los txhim kho lub neej ntawm cov neeg xiam oob qhab kev txawj ntse thiab kev loj hlob (I/DD). Peb ua haujlwm kom paub tseeb tias lawv raug suav nrog thiab muaj peev xwm koom tes hauv lawv lub zej zog thaum tseem nyob noj qab nyob zoo thiab muaj kev nyab xeeb.

Txhawm rau tsim peb daim phiaj xwm hauv xeev, peb tau sau tswv yim los ntawm ntau dua 500 tus neeg muaj I/DD thiab lawv tsev neeg, cov neeg muab kev pab, thiab cov neeg tawm suab hauv lub sijhawm ib xyoos. Lawv tau qhia lawv cov kev txhawj xeeb thiab kev npau suav. Peb pawg thawj coj tau siv cov tswv yim no los tsim peb daim phiaj xwm.

Kev piav qhia cov ntsiab lus (Definitions):

Kev hwm meej mom: raug saib zoo li koj muaj nqis vim tias koj yog tib neeg.

Cov cai tib neeg: tej yam uas tib neeg muaj kev ywj pheej muaj lossis ua tau. Cov cai raug txiav txim los ntawm cov cai lij choj thoob ntiaj teb, cov cai hauv Teb chaws Meskas, thiab cov cai hauv xeev.

Kev tawm suab rau tus kheej: hais lus rau koj tus kheej; hais yam koj xav tau thiab yam koj xav tau kev pab.

Kev tswj tus kheej: coj los yog tswj koj lub neej lossis koj txoj haujlwm lossis cov kev txhawb nqa.

Kev noj qab nyob zoo: yam koj xav thiab hnov txog koj lub neej; seb koj puas txaus siab rau koj lub neej thiab puas xav tias yam koj ua muaj txiaj ntsig.

Cov ntaub ntawv xwm txeej uas tuaj yeem nkag mus nyeem tau:

Daim Phiaj Xwm Hauv Xeev muaj sau ualut Spanish, Hmong, thiab lus Askiv uas siv lus yooj yim (plain language English). Yog tias koj xav tau muab saum ua lwm yam lus lossis lwm hom qauv, thov xa email rau molly.cooney@wisconsin.gov lossis hu rau 608-266-0266.

Lub Hom Phiaj 1: Cov neeg muaj I/DD muaj kev hwm thiab muaj kev paub tias lawv yog ib feem ntawm zej zog

Txog Lub Cuaj Hli 2031, cov neeg muaj kev tsis taus hauv kev txawj ntse thiab kev loj hlob (I/DD) thiab lawv tsev neeg raug kho nrog kev hwm thiab siv lawv cov cai tib neeg kom lawv muaj peev xwm koom nrog thiab yog ib feem ntawm lawv cov zej zog.

Lub Hom Phiaj 1.1: Txhim kho tib neeg kev noj qab nyob zoo

Txog Lub Cuaj Hli 2031, raws li BPDD cov haujlwm, 500 tus neeg muaj I/DD yuav muaj kev noj qab nyob zoo dua los ntawm kev sib txuas nrog lwm tus, txiav txim siab txog lawv lub neej, thiab siv tau cov kev pab txog kev noj qab haus huv ntawm lub hlwb hauv zej zog.

Lub Hom Phiaj 1.2: Txhawb kom tib neeg ua tau raws li lawv cov kev xav tau thiab siv lawv cov cai

Txog Lub Cuaj Hli 2031, los ntawm kev koom nrog BPDD cov haujlwm, 1,000 tus neeg muaj I/DD thiab lawv tsev neeg yuav muaj peev xwm ua tau raws li lawv cov kev xav tau zoo dua los ntawm kev siv lawv cov cai.

Lub Hom Phiaj 1.3: Teb rau xwm txheej ceev thiab kev puas tsuaj ntuj tsim, yog tias tsim nyog

Txog Lub Cuaj Hli 2031, BPDD yuav koom tes nrog Pab Pawg Ua Hauj Lwm Pab Rau Cov neeg Xiam Oob Qhab Kev Loj Hlob, cov koom haum hauv xeev, thiab/lossis lwm cov koom haum los teb rau kev puas tsuaj ntuj tsim lossis kev puas tsuaj los ntawm tib neeg uas cuam tshuam rau cov neeg muaj I/DD thiab lawv tsev neeg.

Cov haujlwm uas pom zoo:

- Qhia cov neeg muaj kev tsis taus, tsev neeg, thiab cov neeg muab kev pab txog cov cai thiab yuav tiv thaiv (advocate) lawv li cas.
- Nrhiav cov qauv kev pab txog kev noj qab haus huv ntawm lub hlwb uas ua haujlwm zoo thiab siv lawv hauv lwm qhov chaw hauv lub xeev.
- Qhia tib neeg txog cov kev xaiv hauv kev txiav txim siab.
- Qhia cov lag luam txog kev txhawb nqa ntuj tsim hauv chaw haujlwm.

- Txhawb cov haujlwm pov npav.
- Tsim webinars txog cov ncauj lus tseem ceeb rau cov neeg muaj I/DD
- Tsim ib lub rooj sib tham thoob plaws lub xeev los pab tib neeg tswj lawv cov kev pab thiab lawv lub neej.

Lub Hom Phiaj 2:

Txog Lub Cuaj Hli 2031, lub suab ntawm cov neeg muaj I/DD yuav cuam tshuam txhua yam txheej txheem thiab kev txiav txim siab kom cov neeg muaj kev tsis taus thiab lawv tsev neeg muaj lub neej zoo dua.

Lub Hom Phiaj 2.1: Nce kev tawm suab

Txog Lub Cuaj Hli 2031, BPDD yuav ntxiv dag zog los txhawb rau peb lub koom haum mus thoob plaws lub xeev thiab txhim kho kev txawj ntse hauv kev tawm suab ntawm 900 tus neeg muaj I/DD kom nce tus naj npawb ntawm cov neeg siv cov kev txawj no kom muaj txiaj ntsig. (*self-advocacy requirement*)

Lub Hom Phiaj 2.2: Nce kev ua thawj coj

Txog Lub Cuaj Hli 2031, vim yog BPDD cov haujlwm, 1,000 tus neeg muaj I/DD thiab lawv tsev neeg yuav ua lub luag haujlwm ua thawj coj hauv lawv cov zej zog thiab muab kev cob qhia ua thawj coj rau lawv cov phooj ywg. (*self-advocacy requirement*)

Lub Hom Phiaj 2.3: Qhia cov neeg tsim txoj cai thiab lwm tus thawj coj

Txog Lub Cuaj Hli 2031, Pawg Thawj Coj yuav ua tus pab tswv yim txog txoj cai rau lub koom haum tsim txoj cai, Tus Tswv Xeev (Governor), thiab lwm tus neeg tsim txoj cai txog cov cai uas cuam tshuam txhua yam ntawm lub neej hauv zej zog, kev txiav txim siab, thiab kev koom nrog tag nrho. Qhov no yuav ua rau muaj 25 txoj cai lossis kev coj ua uas nce lossis tiv thaiv kev koom nrog hauv zej zog, kev txiav txim siab, thiab kev koom nrog tag nrh.

Cov haujlwm uas pom zoo:

- Txhawb ib lub koom haum uas coj los ntawm cov neeg muaj I/DD rau cov neeg muaj I/DD.

- Txhawb cov neeg muaj kev tsis taus thiab lawv tsev neeg kom tham nrog lawv cov cov neeg tsim txoj cai txog cov teeb meem uas tseem ceeb rau lawv.
- Qhia cov hluas thiab cov neeg laus muaj I/DD thiab lawv tsev neeg kom hais lus rau lawv tus kheej thiab ua thawj coj.
- Siv kev kawm uas muaj cov phooj ywg ua tus coj thiab kev cob qhia ntawm cov phooj ywg ntau dua.
- Txhawb kom cov neeg uas muaj I/DD thiab cov tswv cuab hauv tsev neeg ua haujlwm hauv pawg thawj coj, cov koom haum sib koom tes, thiab cov pawg neeg saib xyuas
- Pab cov neeg tsim cai lij choj nkag siab txog qhov cuam tshuam tiag tiag ntawm cov kev cai lij choj thiab cov cai rau cov neeg uas muaj I/DD thiab lawv tsev neeg.